



Inatsisartunut ilaasortaq  
Karl Lyberth  
Siumut

18. oktober 2010  
Sagsnr. 2010-024961  
Dok. Nr. 483803

### **Ilinniartut unitsitsiinnartartut pillugit § 36 naapertorlugu apeqqummut nr. 2010-193-mut akissut**

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiiin@nanoq.gl  
www.nanoq.gl

Inatsisartut suleriaasianni § 36, imm. 1 naapertorlugu ilinniartut unitsitsiinnartarnermik akiuiniarneq pillugu arlalinnik 4. oktober 2010-mi apeqquteqarput.

Apeqqutit apeqqutigineqarneri malillugit matumuuna akineqarput:

#### **1. Ilinniartut ilinniarnermik unitsitsiinnartartut annikillisarniarlugit suliniutit suut maannakkut ingerlanneqarpat?**

Aallarniutigalugu erseqqissaatigineqassaaq ilinniartut ataasiakkaat ilaannilu kommune unitsitsiinnartarnermut assigiinngitsunik suliniuteqartarmata. Ilinniartut unitsitsiinnartarnermut akiuiniarnermut immikkoortitagit suliniutinut taakkununga tapiissutinik qinnuteqarsinnaapput, taakku immikkoortumut pilersaarummi ilinniartitaanerumut immikkut suliniarnermi suliniutit ilagimmatigit. Suliniutit 2010-mi immikkoortitanit taakkununga tamakkiisumik ilaannakortumilluunniit aningaasalersorneqartut tabelimi ataaniittumi ataatsimoortinneqarput.

Tamatuma saniatigit ilassutigineqassaaq Danmarkimi Kalaallit Illui sisamaasut Danmarkimi kalaallinut ilinniartunut ilinniarnermik taamaatiinnanginnissaannut ikiuiniarluni aallartitsinerumut suliniuteqarnissamut 25.000 kr.-innattarmata.

#### **2010-mi suliniutit takussutissartaat.**

<b>Sullisiveqarfik</b>	<b>Suliniut</b>	<b>Aningaasaliissutigineqartut</b>
<b>NINUUK</b>	SMS: itersaanerit ilinnigassalereqqusinerillu	39.520
	Atuakkerisarfik 1/12	65.000 (upernaq)
	Atuakkerisarfik (1/6)	60.000 (ukiaq)
<b>Aasiaat, Qaasuitsup kommunia</b>	Siunnersorti	500.000
	Nereqatigisartagaq	100.000
<b>Center for Arktisk Teknologi</b>	Ilinniarnermi coachertinneq	45.000
	Ilinniarnermi coachertinnermik nangitsineq	20.000
<b>GU Aasiaat</b>	Sanngiinnerpaanut pikko-	25.230 (naammassereerpoq)

	rissartitsineq danskisut	
	Alkolog	11.534
	Ilinniartut ineqarfii, peror- saanikkut nakkutilliineq	400.000
	Atuakkerinermi ikiorsiineq	155.708
	Klasselærer	20.189
	Aanaatut ikiuuttartog	35.000
	Nerisassiortut	220.000
<b>GU Qaqortoq</b>	Ilinniartitsisunik attaveqaa- teqartitsineq	371.700
	Ilinniartut ineqarfiini suliso- qarnerulerneq	179.275
<b>Perorsaanermik Ilin- niarfik</b>	Ilinniartunik siunnersuineq	137.400
<b>Kommune Kujalleq il.il.</b>	Inuusuttunik siunnersuineq	375.000
<b>NIQAQ</b>	Klasselæreqartitsineq	80.000
	Atuakkerisarfik	139.000
	Ilinniartut ineqarfianni sun- ngiffimmilu avatangiisit	236.000
	Ilinniartut ineqarfiini coac- herineq	50.000
	Nerisassiortoqarneq	80.000
<b>Nuuk il.il.</b>	Ilinniartunik siunnersuineq	490.000
<b>Piareersarfik Sisimiut</b>	Inuusuttunik siunnersuineq	322.000
<b>Piareersarfik Uumman- naq</b>	Najortigiittarneq 1/12	83.657
	Sunngiffimmi sammissassat (1/3 –) 1/6	55.000
<b>SANILIN</b>	Ilinniartunik coacherineq	300.000
	Ilinniartut ineqarfiini coac- herineq	250.000
	Nerisassiortoqarneq	369.000
	Ilaqutariinnut pulaartarneq	12.500
	Podcasts *	95.000
<b>KRH</b>	Ilinniartunik coacherineq (upernaq)	144.000
	Siunnersortitut ilinniarti- taaneq suliffeqarnerlu	60.000
	Ilinniartunik coacherineq (ukiaq)	96.600
<b>GU Nuuk</b>	Teamlærer	110.000
	Ilinniartut ineqarfianni ilin- niartitsisoq	144.172
<b>Peqqissaanermik Ilin- niarfik</b>	Tapersersoqatigiit	21.000
<b>Katillugit</b>		<b>5.898.485</b>

\*Podcast tassaavoq nipit assilissallu atorlugit ersertitsiniut taaguutitut ilinniagaqarner-  
mut misilitsinnermullu aalajangersimasunut tapersutaasoq.

## **2. Ilinniartut ilinniarnerminnik unitsitsinnartartut annikillisarniarlugit suliniutini assigiinngitsuni suliniutit sorliit, imaluunniit suliniut sorleq iluatsittumik ingerlan-neqarsimasutut immikkut taaneqarsinnaappat / taaneqarsinnaava?**

Suliniutit qulaani taaneqartut tamarmik iluatsilluarsimapput suliniutinullu pingaarnernut sisamanut avinneqarsinnaallutik:

### Tarnip pissusiisigut siunnersuineq ilinniartunillu siunnersuineq

Pineqartuni taakkunani suliniutit ilinniartut inuttut, atukkatigut tarnikkullu ajornartorsiute-qarneq pissutigalugit unitsitsinnartarnerannik ukiuni arlalinni misilittagaqarneq tunulia-qutaralugu aallartinneqarput.

Ilinniartunik siunnersuineq inuttut ajornartorsiutit qaangerniarnissaannut ikiorsiinissamut periarfissaavoq taamaallillunilu inuunerup pitsaanerulersinnissaanut ilinniarnissamullu nukissaqalernissamut iluaqutaasinnaalluni. Aammattaaq inuttut ajornartorsiutit ilinniarnermut tunngatikunnaarlugit klassimi sulianik pingaartitsinermik samminninnissamut nuunneqarnissaat siunertaasimavoq.

### Ilinniartitsisunik attaveqaateqartitsineq

Ilinniartitsisunik attaveqaateqartitsinermi ilinniartunillu coacherinerme suliniutit tassaane-rupput sullissiveqarfimmit ilinniartut qanimuunerusuq attaveqarnissamut neqeroorfigi-neqarusunneri ulluinnarnilu tapersorsorneqarnerunissaat, pisariaqartitsisoqartillugu. A-taatsimut isigalugu suliniutini siunertaavoq ilinniartut tamarmik ilinniarnermi nalaani iner-simasunut attaveqarnissamik, siunnersorneqarnissamik ilitsersorneqarnissamillu neqe-roorfiginerisigut unitsitsinnartarnermik pinaveersaartitsinissaq. Tamatuma saniatigut suliniutini pineqarput iliuusissatut pilersaarutit aqputigalugit ilinniartitaanermi ineriartortit-sinermilu immikkut anguniagassanik aqqissuussinissamut ilinniartut periarfissinneqar-nissaat taamaallitut ilinniarnerminni anguniagaqarneruleqqullugit.

### Nerisassiortoqarneq, ilinniartut ineqarfiini coacherineq, ilaqutariinnut pulaartarneq

Ilinniartut inuusuttut ilinniarni aallartittut ilarpasui illoqarfinit nunaqarfinniillu allaneer-suusarput. Ilinniartut taakku inuusuttuukkajuttarput siusissukkat angerlarsimaffimminnit allamut nuuttut. Illoqarfinni ilinniarni ilinniartut ineqarfiini najugaqartarput pisiniarfi-liarnissamut, eqqiaanissamut, nerisassiornissamut illumilu allanik suliassanut nammineq akisussaasuussallutik. Ilinniarni arlalinnit malugineqarsimavoq ilinniartut ineqarfiannut ikaarsaariarneq pineqartumut sakkortuallaarsinnaasoq ilinniartullu unitsitsinnartarne-rannut pissutaasinnaalluni, tassami ulluinnarnik naapertuuttumik aqqissuussiniarneq ajornakusoortittaramikku. Tamanna ilinniartut ineqarfiini coacherinetut, nerisassior-toqarnertut ilaqutariinnullu pulaartarnertut suliniuteqarnermik kinguneqarpoq.

### Atuakkerinermut ikorsiineq, atuakkerisarfik danskisullu atuartitsineruneg

Taamatut suliniuteqarnikkut ilinniartut fagini assigiinngitsuni atuartitsisunit suliatigut ilit-sersorneqarsinnaangortinneqarput. Suliniutini siunertaavoq unitsitsinnartarnerit atuak-kerisannginnermik pissuteqartut ikilisinneqarnissaat, tassami taama iliornikkut ilinniartut ilinniarnerminnik naammassinninnissaannut tapersorsorneqartarmata aallaqqaataaniillu pitsaasunik ileqqoqalersinneqarlutik.

Danskisut atuartitsinerunikkut ilinniartut atuartitsinermi nalinginnaasumi danskisut pikka-junnerusartumi malinnaalluarsinnaanerulersinneqassapput.

- 2. Kangaamiuni Piareersarfittussat ilinniarnermi ingerlalluarnissaat, unitsiinnanginnissaat anguniarlugu ilinnialernermi aallarniutaasartoq “inuttut inerikkiartornermut atatillugu sumiiffissiuineq” ilinnialersunut tungatinneqartoq Naalakkersuisunit malinnaavigineqarpa?**
- a. Malinnaavigineqarsimappallu ilinniarni allani, piareersarfiit kisissa eqqarsaatiginagit aammali ilinniarniit allat tamaasa eqqarsaatigalugit, atorsinnaasutut misilinneqarusussinnaava?**

Kangaamiuni Piareersarfimmi suliniut Naalakkersuisunit ilisimaneqarpoq suliniutillu taama iluatsilluartiginera nuannaarutigineqarluni. Suliniulli Piareersarfinnut ilinniarninullu allanut toqqaannartumik nuutsikkuminaappoq, tassami sullissiveqarfiit Kangaamiuni Piareersarfinnit annerungaatsiarmata. Iluatsitsinermi Kangaamiuni Piareersarfimmi siunnersuinermit ilitsersuinernullu sukumiisunut atalluinnarpoq. Taamatut siunnersuineq sukumiitigisoq aningaasaqarnikkut sulisoqarnikkullu atuiffiusorujussuuvoq tamatumalu kinguneraa sullissiveqarfinnut allanut nuunneqarnissaa aningaasartuutaaginnarani suli-sunik piukkunnartunik naammattunik pissarsiniarnissap ajornakusoorinissaa.

Taamaattorli Kangaamiuni suliniutimmi eqqarsariaasiusoq suliniutini allani aamma ator-neqarpoq, taakkununga ilanngullugu ilinniartunik siunnersuinermit ilinniarninut illoqar-finnulluunniit ilinniartoqarfiusunut assigiinngitsunut atatinneqartumi.

Inussiarnersumik inuulluaqqusilluta

Mimi Karlsen